

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Keflavíkur, nr. 224 31. október 1966.

*Atvinnumálaráðuneytið, 7. febrúar 1968.*

**Ingólfur Jónsson.**

*Dorv. K. Þorsteinsson.*

## G J A L D S K R Á

### fyrir Rafveitu Gerðahrepps.

#### I. RAFORKA

Rafveita Gerðahrepps selur raforku á þann hátt og við því verði sem hér segir.

#### A. Lýsing.

11. Um kwst.mæli á kr. 6.80 hver kwst.
12. Um kwst.mæli á kr. 2.50 hver kwst., auk fastagjalds, er nemi kr. 30.00 á ári af hverjum fermetra gólfflatar í rúmi því er lýsa skal. Fullt fermetragjald skal greiða af glóffleti í búðum, vinnustofum og skrifstofum, en fyrir geymslur og ganga skal greiða kr. 10.15 af fermetra á ári.

#### B. Almenn heimilisnotkun.

21. Um kwst.mæli á 150 aura hver kwst. Auk þess skal greiða fastagjald kr. 12.00 á mánuði af hverju herbergi íbúðar. Í útreikningi á fjölda herbergja skal telja öll herbergi, sem ætluð eru til íbúðar, og eldhús. Herbergi, sem er minna en 5 m<sup>2</sup>, skal teljast sem hálf, en stærra en 25 m<sup>2</sup>, sem tvö. Leiga af einum mæli er innifalin í fastagjaldinu.

Þar sem meðalstærð herbergja í íbúð er undir 10 m<sup>2</sup>, má miða við sameiginlegt flatarmál þeirra, þannig að hverjir 10 m<sup>2</sup>, jafngilda einu herbergi og 6 m<sup>2</sup> hálfu herbergi.

#### C. Vélanotkun.

31. Um kwst.mæli á kr. 3.70 hver kwst. hafi vélnar mjög stuttan notkunartíma, má krefjast minnsta árgjalds kr. 750.00 á hvert uppsett kw. vélanna.
32. Til fiskiðnaðar, með fasttengdum vélum kr. 1.50 hvert kwst.
33. Ef uppsett rafvélaafl fasttengdra véla við fisk, kjöt eða mjólkuriðnað er yfir 20 kw.
  - a. Um kwst.mæli á 110 aura hver kwst., enda megí þá rjúfa strauminn í allt að 3 klst. á dag, á tímum mesta álags rafveitunnar um hádegið og síðdegis, en þó eigi lengur en 1½ klst. í senn. Notandi kosti klukkurofa fyrir véla-lagnir eða tvígjaldsmæli, sem settur er til eftirlits með að rofið sé á tilskildum tíma.
  - b. Um tvígjaldsmæli á kr. 6.52 hver kwst. í 1½ klst. tvisvar sinnum á dag á tímum mesta álags rafveitunnar.

- c. Um tvígjaldsmæli á kr. 6.52 hver kwst. í 1½ klst. á dag á tímum mesta álags rafveitunnar, en þó eigi lengur en 1 klst. í senn, en á 118 aura hver kwst. utan þess tíma.
34. Um mæli á kr. 1 330.00 fyrir hvert kw. mesta notaðs afls á árinu, mælt sem 15 mínútna meðalalag og auk þess 80 aura á notaða kwst.
35. Ef ekki eru tók á að mæla mesta notað afl, má selja þannig:  
Um mæli á kr. 870.00 fyrir hvert uppsett kw. vélanna og auk þess 80 aura á notaða kwst.

#### D. Hitun.

41. Um kwst.mæli á 50 aura hver kwst., enda megi þá rjúfa strauminn í allt að 3 klst. á dag á tímum mesta álags rafveitunnar um hádegis og síðdegis, en þó eigi lengur en 1½ klst. í senn.
42. Um kwst.mæli á 25 aura hver kwst., í 9 klst. á tímanum frá kl. 22 til 7.

#### Önnur skilyrði fyrir raforkusölu til hitunar.

- a. Að vélaafl, línur og spennar þoli álagið að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið að rafveitan leggi til rofa og annist viðhald þeirra. Kostar þá notandinn tengingu þeirra og greiðir leigu af þeim, samkvæmt reglum, sem gilda um leigu mæla.
- c. Að hitalagnir, þar með talin öll tæki, séu gerð samkvæmt fyrirmælum rafveitunnar, ofnar fasttengdir með sérstökum rofum og hitastillir notaður.

#### E. Önnur raforkunotkun.

51. Raforku til suðu má selja til gistihúsa, veitingahúsa, sjúkrahúsa og annarra slíkra staða, á kr. 2.00 hver kwst., enda sé notkunin mæld um sérmæli og suðutæki fasttengd.
52. Til nota um vinnulagnir við byggingar, meðan á byggingu stendur, um kwst.-mæli á kr. 3.80 hver kwst.
53. Til bökunarofna í brauðgerðarhúsum um kwst.mæli á 62 aura hver kwst., ef straumur er rofinn frá kl. 8.30 til kl. 22, eða um tvígjaldsmæli á 62 aura hver kwst. á tímanum frá kl. 22 til 8.30 og 1.50 hver kwst. frá kl. 8.30 til kl. 22.
54. Til gatnalýsingar á 150 aura hver kwst.

Alla rafmagnsnotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárlið A—1. Þegar sérstaklega stendur á, má rafveitustjóri þó, að tilskildu samþykki rafveitustjórna, veita afslátt frá gjaldskrárlið C—E (báðir meðtaldir) á orku, sem notuð er á sumrin, sé um aukningu frá vetrarnotkun að ræða. Enn fremur að selja orku eftir sérstökum samningi, sé það hagstætt vegna orkunýtingar rafveitunnar.

## II. MÆLALEIGA

Rafveitustjóri ákveður stærð og gerð mælitækja, sem nota skal fyrir hverri veitu og er sú ákvörðun skuldbindandi fyrir notandann, sem skal greiða leigu af mælitækjum sem hér segir:

1. Af einfasa mælum upp að 30 amp. .... kr. 10.00 á mán.
2. Af þrífasa mælum upp að 50 amp. .... — 12.40 — —
3. Af þrífasa mælum 50 til 200 amp. .... — 31.30 — —
4. Af þrífasa mælum yfir 200 amp. .... — 45.00 — —

Af öðrum mælitækjum en þeim, sem nefnd eru í gjaldskránni, skal ársleigan vera sem næst 20% af verði mælitækisins. Leigan er innheimt um leið og gjald fyrir raforku.

Hafi gjald samkvæmt gjaldskrá þessari ekki verið greitt, svo til lokunar hafi komið fyrir veitu, skal taka gjald fyrir endurofnun kr. 230.00.

Ef fundin eru óleyfilega eða of stór vör við skoðun, skal veitunni lokað tafarlaust og verður hún eigi endurofnuð fyrr en notandi hefur greitt kr. 230.00 gjald á skrifstofu rafveitunnar.

### III. HEIMTAUGARGJÖLD

Rafveitustjóri ákveður stærð og gerð heimtaugar eða spennistöðvar fyrir hverja húsveitu. Umsækjandi heimtaugar skal gera grein fyrir væntanlegri notkun húsnæðis og helztu raforkunotkun.

Ein heimtaug er lögð að hverri eign (á sömu lóð) og skal greitt heimtaugargjald af hverri heimtaug (spennistöð) fyrir allt að 15 m jarðstrengsheimtaug frá jarðstrengskerfi og allt að 30 m loftlínuheimtaug frá loftínukerfi samkvæmt eftirfarandi töflu:

Gjaldskrárliður	Málstraumur í 3 × 220 V kerfi Amp.	Stofnvara í 3 × 380 V kerfi Amp.	Hámarksafll KVA	Heimtaugargjald Kr.
1.	2 × 60	1 × 60	13	6 000.00
2.	3 × 60	2 × 60	22	7 950.00
3.	3 × 100	3 × 60	38	11 400.00
4.			50 sp.	13 500.00
5.		3 × 100	66	18 750.00
6.	3 × 100		75	22 800.00
7.			100 sp.	27 000.00
8.	3 × 350	3 × 300	132	37 400.00
9.			150 sp.	42 920.00
10.			200 sp.	54 000.00
11.		3 × 350	231	62 235.00
12.			300 sp.	85 860.00
13.			500 sp.	143 500.00

Sp. = spennir.

Lengd heimtaugar reiknast frá lóðarmörkum við götu, stytztu greiðfæru leið að varkassa á útvegg. Teljist hagkvæmara að hafa kassa á innvegg, skal leita samþykkis rafveitustjóra um gerð og frágang pípu, sem strengurinn verður dreginn í.

Sé jarðlínuheimtaug lögð frá loftlínu (samkv. ósk heimtaugarbeiðanda), skal lengd heimtaugar reiknuð frá loftlínustólpa að inntakskassa, en þveri heimtaugin akbraut, skal breidd akbrautar dregin frá.

Yfirlengdargjald jarðstrengs reiknast á hvern metra, umfram fyrstu 15 m þannig:  $Yj = (300 \text{ plús } 4 \times \text{KVA}) \text{ kr./m.}$

Yfirlengdargjald loftlínu reiknast á hvern metra umfram fyrstu 30 m þannig:  $Yl = (200 \text{ plús } 3 \times \text{KVA}) \text{ kr./m}$  að viðbættum 3000 kr. á hvern staur í umfram-lengd.

Sé lögð bráðabirgðarheimtaug í vinnuskúr eða hús í byggingu, skal greitt fyrir hana, sem hér segir:

60 amp. einfasa .....	kr. 1 500.00
60 amp. þrífasa .....	— 1 800.00

Séu aðstæður þannig, að kostnaður við lagningu bráðabirgðarheimtaugar verði óeðlilega hár, má taka gjald fyrir hana samkvæmt kostnaði.

Telji rafveitustjóri að auka þurfi flutningsgetu heimtaugar eða spennis, skal notandi greiða mismun, samkvæmt gjaldskrá. Sé nauðsynlegt eða hagkvæmara að setja upp spennistöð að mestu eða öllu leyti, vegna eins notanda, skal hann leggja til lóð eða húsnæði fyrir spennistöðina, eftir því sem hagkvæmara þykir að dómi rafveitustjóra, vegna staðsetningar stöðvarinnar.

Þegar lóð er lögð til, er það rafveitunni gert að kostnaðarlausu og skal í öllu hlíta skilmálum rafveitunnar um stærð og staðsetningu stöðvarinnar.

Þegar húsnæði er lagt til, skal það fullnægja skilyrðum um gerð spennistöðvarhúsa, að dómi rafveitustjóra. Eðlilegur kostnaður notanda við gerð húsnæðis fyrir spennistöðina greiðist af rafveitunni, (í leiguformi t. d. fyrir lengri tíma) og kemur til frádráttar heimtaugargjaldi.

Gjaldskrá þessi gildir í skipulögðum hverfum. Sé um óskipulagt hverfi að ræða eða aðstæður óeðlilegar, skal greiða heimtaugargjald samkvæmt kostnaðarreikningi. Helmingur heimtaugargjalds skal greiddur við umsókn, en síðari hlutinn áður en notkun hefst.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir Rafveitu Gerðahrepps, nr. 225 31. október 1966.

*Atvinnumálaráðuneytið, 7. febrúar 1968.*

**Ingólfur Jónsson.**

*Þorv. K. Þorsteinsson.*

## AUGLÝSING

**um staðfestingu félagsmálaráðuneytisins á reglum nefnda til úthlutunar bóta samkvæmt lögum um atvinnuleysistryggingar.**

Samkvæmt lögum nr. 29 7. apríl 1956, um atvinnuleysistryggingar, hefur ráðuneytið staðfest reglugerð fyrir eftirtalda úthlutunarnefnd atvinnuleysisbóta, sbr. auglýsingu ráðuneytisins, nr. 16, B-deild Stjórnartíðinda 7. febrúar 1957:

47. Nefnd Verkalýðs- og sjómannafélags Keflavíkur. Staðfest 6. febrúar 1968.

*Félagsmálaráðuneytið, 8. febrúar 1968.*

**F. h. r.**

**Hjálmar Vilhjálmsson.**

*Gunnlaugur Þórðarson.*